

Sakspapir

Saksbehandlar	Arkiv	ArkivsakID
Per Inge Olsen	FE - 145	18/1486

Saksnr	Utvalg	Type	Dato
57/2018	Formannskapet	PS	13.06.2018
39/2018	Kommunestyret	PS	20.06.2018

Økonomiplan 2019-2022

Vedlegg:

Økonomiplan 2019-2022 - Rådmannen sitt framlegg 31.05.2018, med endringar d.12.06.2018
Vedlegg 2 til Økonomiplan 2019-2022 - Kommentatarar til nye prosjekt og endringar d.12.06.2018
Rådmannen sitt framlegg øk-plan 2019-2022
Vedlegg nr 1 til øk plan forslag driftstiltak 2019-2022 - alle TO
Vedlegg 2 Økonomiplan 2019-2022 - Kommentatarar til endringar og nye investeringar

Saksopplysningar:

Meland kommune legg i år fram økonomiplan til handsaming i juni i god tid før det detaljerte budsjettarbeidet på hausten skal starte opp. Økonomiplanen gjev då retning og rammer for budsjettarbeidet, og det vert anledning til ein politisk diskusjon og vedtak om kva prioriteringar som ein ynskjer skal leggjast til grunn når vi i haust starter opp arbeidet med budsjettet for 2019. I økonomiplanen kan ein og trekke opp eit langsiktig perspektiv og vurdere dei langsiktige utviklingstrekk som må leggjast til grunn for dei økonomiske prioriteringane som kommunen må gjere.

Kommunen er på veg inn i Alver kommune frå 2020, men skal leggje fram økonomiplan som om kommunen fortsatte som eigen kommune. Planen er prega av at kommunen opplever lågare folkevekst enn tidlegare rekna med, og at vi har måttet redusere forventa framtidig inntektsvekst i forhold til det som var lagt inn i førre økonomiplan for 2018-2021 (vedteke saman med budsjettet for 2018 i desember 2017).

Økonomiplanen tek omsyn til dei signala som kom i kommuneproposisjonen i mai, der det vert presentert føringar på korleis regjeringa legg opp til at kommuneøkonomien skal vere dei neste åra. Forøvrig viser rådmann til det vedlagte økonomiplandokumentet for ytterlegare kommentatarar til den økonomiske utviklinga og dei vurderingar og prioriteringar som er gjort.

Rådmannen vil saman med budsjettet for 2019 leggje fram eit oppdatert økonomiplandokument der ein tek inn endringar som kjem i statsbudsjettet for 2019, og endelege inntekter for 2019 kan bereknast.

Framlegg til vedtak:

1. Investeringsbudsjettet for 2019 blir vedteke i samsvar med oppsettet i eigen tabell. Rådmannen skal justere investeringsbudsjettet for 2019 i samsvar med forventa framdrift på prosjekta som pågår i 2018 når budsjettvedtaket for 2019 fattast av kommunestyret i desember 2018.
2. Økonomiplan for 2019-2022 og rammer for 2019 vert vedteke, jfr. eigen tabell. Det endelege budsjettvedtaket for 2019 med korrekt ramme for ordinært rammetilskot og rammer for tenesteområda inkludert løns – og prisstigning vert vedteken av kommunestyret i desember 2018.

Endringsframlegg Økonomiplan 2019 – 2022 frå Høgre, Frp, Sp og KrF

Investeringar:

Ny ungdomsskule 200 mill.kr

Arbeidskyrkje 70 mill. kr

Verbalpunkt:

1. Det blir lagt til grunn av gymnastikksal og symjehall skal inn som byggjesteget 2 på ny ungdomsskule. Bassenget bør byggjast og drivast i samarbeid med private aktørar.

2. Det blir lagt til grunn at det blir etablert grundersenter og attraktive bustader i/ved dagens ungdomsskule. Dette bør gjennomførast i samarbeid med private aktørar.

3. Rådmannen blir beden om å arbeide vidare med å implementere dette fram mot handsaminga av budsjett for 2019.

Formannskapet - 57/2018**FS - behandling:**

Rådmannen orienterte.

Øyvind H. Oddekalv, Anne Grete Eide og Silje Sæterstøl la fram følgjande protokolltilførsel:

Vi vil fram mot kommunestyret 20.06.2018 arbeide for ei løysing der ungdomsskule blir realisert.

Framlegg til vedtak frå Sigmund Larsen FrP:

Saken taes til orientering.

Avrøysting:

Rådmannen sitt framlegg til vedtak fekk 0 røyster for.

Framlegg til vedtak frå Sigmund Larsen vart samrøystes vedteke.

FS - vedtak:

Saken taes til orientering.

Kommunestyret - 39/2018**KS - behandling:**

Tilleggsframlegg frå Høgre, Frp, SP og KrF:

Investeringar:

Ny ungdomsskule 200 mill.kr

Arbeidskyrkje 70 mill. kr

Verbalpunkt:

1. Det blir lagt til grunn av gymnastikksal og symjehall skal inn som byggjesteget 2 på ny ungdomsskule.

Bassenget bør byggjast og drivast i samarbeid med private aktørar.

2. Det blir lagt til grunn at det blir etablert gründersenter og attraktive bustader i/ved dagens ungdomsskule. Dette bør gjennomførast i samarbeid med private aktørar.

3. Rådmannen blir beden om å arbeide vidare med å implementere dette fram mot handsaminga av budsjett for 2019.

Endringsframlegg frå AP v/Anne Grete Eide:

Investering.

Kommunestyret tar saka til orientering og ber rådmannen kome tilbake med ein økonomiplan i balanse, der ungdomsskule er prioritert. Kyrkja bli utsatt til seinare.

Avrøysting:

Rådmannen sitt framlegg til vedtak med tilleggsframlegg frå Høgre, FrP, SP og KrF fekk 19 røyster for, (5 H, 3 SP, 3 FrP, 3 KrF, 1 V, 1 MDG, 1 BF, 2 Uavh), 8 røyster mot, og er såleis vedteke.

Endringsframlegg frå Arbeiderpartiet fekk 8 røyster for, (7 AP, 1 MDG), 19 røyster mot, og fall.

KS - vedtak:

1. Investeringsbudsjettet for 2019 blir vedteke i samsvar med oppsettet i eigen tabell. Rådmannen skal justere investeringsbudsjettet for 2019 i samsvar med forventet framdrift på prosjekta som pågår i 2018 når budsjettvedtaket for 2019 fattast av kommunestyret i desember 2018.
2. Økonomiplan for 2019-2022 og rammer for 2019 vert vedteke, jfr. eigen tabell. Det endelege budsjettvedtaket for 2019 med korrekt ramme for ordinært rammetilskot og rammer for tenesteområda inkludert løns – og prisstigning vert vedteken av kommunestyret i desember 2018.

Investeringar:

Ny ungdomsskule 200 mill.kr

Arbeidskyrkje 70 mill. kr

Verbalpunkt:

1. Det blir lagt til grunn at gymnastikksal og symjehall skal inn som byggjesteg 2 på ny ungdomsskule. Bassenget bør byggjast og drivast i samarbeid med private aktørar.

2. Det blir lagt til grunn at det blir etablert gründersenter og attraktive bustader i/ved dagens ungdomsskule. Dette bør gjennomførast i samarbeid med private aktørar.

3. Rådmannen blir beden om å arbeide vidare med å implementere dette fram mot handsaminga av budsjett for 2019.